



中寰嚴公四膺獎薦序

翰林院侍講

郭

涪新

善治者不擇民猶善醫者不擇疾善將者不擇旅也京兆益州號  
鉅且劇而張丁高張復之二君子治夕定首尾賴之若弄循援  
易之卽亂民豈暱二君子哉必奇默證者矣淇病令舊矣岐匕者  
苦其刻優匕者苦其中偽儻者苦其自用博取者苦其用于人而  
爲令者亦久以淇爲病蓋朝歌風號盤錯近又爲入都孔道難又  
十倍于昔地狹而瘠半爲截業所食商游負販者人惟正茂能供  
也輶軒之使旁午于道令日夕不得休羸騎敝卒以充往來稍不  
如意則棄車騎各鳥獸散又俗快訟言喜聞阿禁敵朴不能止故數


十年無善治則難易何如也公初得淇愛公者慮之公曰蜀道之  
 難七于上天而韋臯諸人咸易視之蓋江路平陂機不筦所治而  
 筦于其治之者矣毅然赴之至淇集三老賦長胥已復延見博  
 士弟子員徐察其所獻納者采而用之凡約束條教靡不中繁若  
 劍之揮空庖之解牛也狡者化以誠暴者化以讓怠窳者化以先  
 勞不浹月而歡聲騰于郊遠之外矣嘗自言曰瓦礫碍足思拔除  
 之民實有欲竟拂以從我芒刺附體思振祛之民亦人子可殘戕  
 以自快乎乃以與人方便視民如傷二語竭之邑門以自警故事  
 考諸諸生僅報成而已公為課文藝談經術復集少年佳子弟詳

加校閱別其最獎譽之一時士風靡不人人淬勵幸公之成我而  
又恨相值之晚也未逾歲民慈之如母士奉之如著繇是聲稱藉  
甚四臺使之獎薦沓至矣余近因歸省過淇聞淇人之深德公也  
心私喜之及見標格議論又過于所聞吾深有意于其爲人焉已  
而淇諸生詣予徵文余以公才大矣茲特龍泉而毛試也烏足以  
盡公雖然賢令福星徒知得之難而不知享之之不易也蓋上與  
下交相成者也倪寬之最以擔負捆載者衆耳范<sub>公</sub>仁擅發倉粟  
賑饑非慶民之晝夜輪將未免以活人自累公不忍以催科先撫  
字厥德渥矣淇之人徒口誦之而依然慙不完公帑是公求便民

民不能便公也其于上仁下義之理

耶亦視益州京兆之

民大足醜顏矣爲我告曰仁侯不易慎慎無自棄哉



壽會所翁六表文

澄海縣知縣


方聞瓚

大造榮人以名澤人以豐悅人以娛心適意之境有其縱之有其  
享之不謂非天之厚於相付也至若喬松媿年莊彭潔筭此意天  
若爲靳無其畱以畀素修之士乎嚴於邑爲著族念彼先人風節  
高邁其後必有繼起茲觀余妹丈會所翁淵懿渾灑颯匕塵外非  
卽其遺軌歟今秋翁屆六表回憶髫年磨穿其事氣叶嚶鳴余諸  
父安溪公奇之格外引登甥館以翁之才姿軼出熙朝羅秀佇當  
脫穎乃適弗遭時遂披褐藏修不與羣從競席余不揣謏劣逐匕  
宦途曷若翁之調琴搖翟課子飴孫聚天倫爲樂事也翁性嗜寧

澹罔博財求伯兄中寰公掇科筮任翁後先宦從膏脂一無所藉  
中寰公以王事卒於淇翁與仲兄聘吾公扶櫬歸林焦勞萬狀旋  
且挾一經課後裔諄匕然兒侄無岐視也猶子以德君魏科接武  
爲庚辰擬元雖聘吾公之培植裕哉謂非翁翊教之功不可矧胤  
君惠人甥倜儻磊落聲噪文壇不日者振翮層霄快翁夙志此則  
不售之身售之子理或然爾厥配余妹徽慈賢淑力贊內猷相與  
構廣廈闢名園出則以正以來田疇足事入則惠人信人金石流  
聲且桂萼蘭枝盈堦繞膝今而後喜可知也聞之食氣者神明而  
壽翁衣不燁熱味不重羞絕嗜屏趨清苦刻潔其視人世之華名

臚利一切賞心得意之具直泡影而於以食德咀和抱真守泊翁之所之而天不爲靳不將與喬松比年莊彭齊筭與噫百世而下繼起有翁其清修劭節茂德耆年真同山水之高長矣余與翁幼稱莫逆長締姻婭知翁且悉翁之誕辰適執掌澄海不暇爲觴謹攄清言以爲翁祝





隱君望川翁七袞壽序

署教諭事


王元賓

古稱不朽者三太上立德而德有潛有見七者樹勛策伐竹帛所  
居然清修之士未嘗過而問焉潛之爲言也寧靜淵深塵睨軒冕  
幽光逸韵見者莫窺其涯涘如桐水高風至有黃昏羞過者行違  
當何處歎余憶曩昔與二三知己選勝治閒遇隱君子蒼顏古貌  
徜徉飄忽幾以爲神仙中人詢而知爲嚴翁望川也翁固子陵先  
生裔派聞其自少而壯拮据勤苦因以都溫厚美奐輪迨子姓成  
立更放情丘壑吸息天和或則澤畔垂綸田間問稼儼可嗣山高  
水長之趣間而賢跡過從無慚雞黍且友昆倡和榻七有懷葛之

風緊長胤君自慧將藝古趨世翁謂吾儕有高尙之業身之遜矣  
焉用文之承世而具逸焉子其與我然翁天性倜儻踈懷急義調  
恤慨慷而聲以實流乃爾藉七邑侯唐高之旌其堂曰潛德其肖  
翁之生平也夫翁於寅月望辰爲古稀初度章子選吾以弟若子  
屬翁坦床賦誼謀言侑祝余大有感於潛之義焉乾德皆可用而  
初獨勿之陽九無不用而見則無之勿者用之藏也無者潛之歸  
也騎遇崖退武而躍蠖欲前屈體而伸皆是物也潛固不易言也  
卽夫七里清風一絲繫舄勿耶用耶寧第以客星傲帝王耶望川  
翁其庶幾是乎翁配蔣孺人相齊鴻案桂蘭玉森潛德發光已莫

可掩抑行將有崛起而以見昌世者矣翁殆又進期願而享之其  
毋以固爲勿也敬序





際翁嚴公六秩榮壽序

知府兼署兵備道事

余廉徵

今之能引年者非必練色茹芝效霞客之響象儼大椿於上古也  
但順其所生抱仁履義斯和吉日臻不言祝釐而熙事彌極耳然  
後知人之得全全昌受遐祉而登大齊者非可以倖致也若 際

翁嚴老親翁其所爲曼壽者第蔚足稱焉嚴乃漢桐江後裔支分  
於遂朱軒代與翁之 伯父中寰公登賢書稱清白吏翁之 尊

人聘吾公少治詩書好善不倦惟訓其後昆閑以古道而勉之有  
爲故積懿在前而浸昌在後貞瑜神瑛之苗非偶然也翁 伯氏  
以德公早掇巍科先發其榮翁以燿穎之才綺年食餼擊水有鬢

聲並流璜誠如昔所云世雕龍也生而孝友感白華以詠棠棣至  
性篤於古人且學正而格方變醯養瘠濯修彌邵嘉言善行之彰  
彰不易悉數祇傳其捐奩業鎔閨飾以充尊公伯氏之偶窘亦  
義之至難者也大都爲人慷慨正直重然諾輕貨賤人之敬之愛  
之如祥麟威鳳可親而不可狎以故遐邇咸歸度內凡里中之孤  
寡與罹无妄者無不賴其匡恤而排解也至若利害恩怨之關更  
權之極當常語人曰與其興一利不若遠一害與其多一恩不若  
少一怨雖或遇事雜沓而舉措裕如矚然不滓爲當事所重不獨  
士宗楷式而人煦冬日也其品行卓越又豈拘謹之儒所可紹步

哉翁舉丈夫子四長君次君屢試舉旗英蜚一序而叔與季亦繼  
文表異咸以國器推之寥廓之翔跂足可待諸孫十餘人若蘭蒨  
駢穗結秀森々迺猶緝教罔怠庭除間風清義淳亦何豫也翁之  
得全於天可謂終吉矣願其所生而形常不搖將純嘏之集鼎來  
無已又何用蓄氣寶精始喻顏於丹采也今茲授衣之月值翁週  
甲弧辰予辱在姻契方擬酌禮獻頌而予弟臧胤翁之館甥也同  
諸戚友請一言爲前瞻此靈矯福應難悉試以數語側古苔篇旁  
當不靳粲受耳翁其陶々然盡一康爵而繼此斑斕哈舞者又未  
知其紀也



賦其歸也

富不辨榮受其食其剛以然

前以文簡一言必前

海氣午暮五匹


班日又所

善全然天何

博麻故委

文宋異

姑徐舉



祝隱君介甫嚴老親翁八秩榮壽序

毛際可


知縣

竹烟嚴氏人文代蔚攷世系爲漢處士子陵先生後裔山高水長  
流風未泯又往往多隱君子如親翁諱鍾字介甫尤抱德而隱者  
也余甲寅避寇於關侯昆季家因得與翁識面其貌蒼古其言真  
率如羲皇上人時已齒脫髮白似類耄耋者叩之則僅週花甲外  
今相睽十餘載翁齒髮何似乃屈指竟八十矣撫歲序之遷流念  
人生之離合嘗交感焉不能忘山春五日屆翁懸弧之辰其甥若  
壻製錦侑觴介北侯問序於余翁少習儒家貧不能卒業而敦孝  
友砥廉隅有士大夫莫能過者性成醇謹從父孝廉以德先生常

倚任之使翁肯營私牟利何難坐致膏腴翁固泊如也生平喜游  
覽要未嘗繫情山水即禽魚花卉之好亦偶借以玩適究無容心  
視古阮酒稽琴有所托而逃者若不屑擬高隱於形迹間晚歲嗜  
形家術抄書成帙然亦不求深解每持向日晷中睇眎如諸生臨  
歲試呶唔有聲或着屐登山袖中出指南車審龍定向旁觀者見  
之則子午反指一時人皆絕倒翁之忘情物外不物於物與子陵  
桐江釣隱從山丰絕壁垂綸同一蕭然高寄翁真不愧先生後裔  
云兩孺人皆蚤逝生子二仲曰心全力田供職孫七人還庭進學  
隱德所培者厚也憶余晤翁時甫歷強仕縱筆成文今爲翁祝耄

耄精力亦復不減更二十年知翁齒髮猶昔而丹顏渥采強飯必  
更有加第再屬余筆顧未知予時精力爲何如也北侯笑曰質而  
不浮是爲善頌善禱遂書以壽





不肖其後... 吳有... 至... 不肖其後... 吳有... 至...

又尙嚴翁八秩榮壽序

推官改授知縣

方象璜

古之享大年者如黃綺榮期輩往七窮而在下蓋山林隴畝之間  
可以頤直抱樸而其人又多超然物外無軒冕之慕以苦其形神  
故身雖隱而年彌高且躬集諸福有由也 又翁九齡失怙母氏

吳孺人年未三旬而砥其姜之節茹荼嚼蘘撫翁及其難兄俱  
能成立翁垂髫就外傳聰慧異於他兒奈以家貧輟業力耕養母  
每食必具肥甘先意承志孺人卧病翁親嘗湯藥侍左右衣不解  
帶者三年事兄少敦友愛垂白無間言析爨則田宅之美者器用  
之完好者皆推讓之不之較也生平慈祥坦易與物無忤而勸善

排紛鄉里皆推重焉克儉克勤增其式廓然橋梁道路之費多量  
 力捐助無吝色今丈夫子八人諸孫森七玉立有詩禮風豈非積  
 善之報也哉不寧惟是行將膺養老鉅典登賓筵錫冠帶為鄉國  
 楷模予且樂觀其盛焉陳子奕遠翁快婿也於其懸弧之日丐言  
 於予爰道其德年之並邵以當春酒之獻

昔以風塵許身茲復入文之故然必不無裨於文謀以著其洪範  
 有文章大乎春收黃綠榮賦章封日銀而五不蓋山林淵源之固  
 又豈數餘人哉榮壽氣

蘇台如對映練 六象觀

祝遷之嚴親翁六秩榮序

翰林院編修  
四川大主考  
方象瑛

丁丑秋七月嚴子北侯有京師之遊過余言別瀕行以明年元旦  
爲其從兄 遷之親翁六十諸親友製錦爲祝而問序於余也雖  
與翁未謀一面然北侯爲余述其行事甚詳嚴爲吾邑右族系出  
漢處士子陵先生後人文代蔚亦往也多隱君子焉翁以元日誕  
生性成英敏幼時工制義縱筆能文乃家貧不能卒業遂棄儒力  
耕先人遺產甚薄翁播種因時每歲收穫必倍產始稍拓懿配方  
孺人善持家政中宵織紝不輟而茹蔬飲淡太倉未嘗一粒稍濫  
也三子俱成立遂爲析箸翁乃閒七十畝間每於夏秋時挈伴垂





人祝北侯尊舅五秩壽序  
奉政大夫  
毛際可

歲壬申冬余將有東粵之游王子震舒率其同學踵門請曰起東  
輩受業於北侯嚴夫子有年矣明年夏爲五秩初度諸及門擬  
登堂爲壽而嚴夫子生平著述甚富凡詩文脫稿必欲得先生一  
言以爲論定今雖乞通顯之辭不足邀其一盼願賜之椽筆不獨  
起東拜仁人之賜卽諸及門亦與有榮施焉蓋北侯爲余外家至  
戚曩者山寇竊發余避地竹里與北侯晨夕分題倡和而次子士  
儲經北侯指授爲文章尤有師資之益故知北侯爲最深北侯少  
而失怙異母弟二人長者五齡次未離襁褓撫育婚娶與童夫人

一以身任之先世瘠田數畝餽粥不給每歲計修脯所入勤苦積蓄產漸稍拓同爨二十五年始析居皆三分均受無多取者北侯未嘗以此語人而余讀其從弟四侶分關序始咨嗟太息以爲當於古人中求之云與人交出肺肝相示或以緩急相委不避險阻居恒耻事干謁若事關學校則義形於色有新安人爲其子夤緣寄籍已列膠庠北侯倡縫掖士公言於制府黜之自是富商咋舌相戒榜下孤寒爲之吐氣丙寅丁卯間錢塘尹延之入幕偶志趨不合拂衣辭去復敦請再三不赴其品行卓犖若此北侯爲惠人先生令子家學淵源祖學使歲試冠軍歷十三試皆列高等郡

伯陳公拔置七學第一人七入棘闈壯志尙未艾也教授生徒先後成知名士余友王天叙延至會城訓兩令嗣而以從姪爾明二子附焉皆蜚聲庠序吾邑有四先生之稱北侯其一也嗣君尙五賓五弱冠有文名而北侯所著古文辭及有韻之章雄麗典則超然蹊逕之外此有目共賞何俟余之喋匕爲他若彭祖喬松之說祝鰲雖工尤爲北侯所不屑聞更逾三十年計北侯已功成名立優游里居而余當昏髦之餘姑侈言神仙比於俳優詼諧以進一觴未爲晚也

臨末...

...

...

...

...

...

...

...



恭祝

大別駕月丹表叔嚴翁六旬榮壽序

翰林苑  
檢討

詹銓吉

嘗讀尚書洪範之篇曰予攸好德汝則錫之福蓋以德者福之基也富貴康寧壽考得之於天而實致之於人如吾月丹表叔嚴翁其盡人以合天者也茲當春光正麗冀州紳士同詣予史館以表叔翁六旬初度稱觴製錦囑予文以壽之豈非以予與翁誼屬表戚素稔其生平而翁之德備在躬澤及州民者為更難置也哉翁自己丑佐理冀州予在史館聞之不勝雀躍乃造州致賀焉會晤時以契濶良深道情懷通欵

洽臨別攜手同行不忍恻然分袂以後公餘之暇時相往來  
或手札通候無間寒暑焉翁爲良吏中寰公慈孫文學增生  
以恒公長子其先世簪纓子姓昌熾無庸縷述所最著者治  
河之大務也河堤每歲潰決爲害實甚治之者鮮能奏績自  
翁以督理爲己責與民同甘苦共風霜不辭精力之勞瘁夫  
勤於救民者自急於報最河堤完固而向之奔濤洶湧者今  
且靜浪而安流矣向之漂廬浸淫者今且安居而樂業矣濬  
築之功其利溥哉至折獄催科乃其餘技奚足爲翁稱道耶  
所謂壽民壽國卽以之壽身者其原莫大於此是枳棘固鸞

鳳所暫棲其卓異也有日花甲亦難老所兆基其永錫也無窮夫以翁之德獲翁之壽而綏以多福其鴻禧殆未可量也已予應州紳士徵言之請漫寄卮詞以爲祝而諸紳士乃以予言爲切而不浮簡而克當不徒善於頌禱之文則持此以躋公堂而稱兕觥豳風之雅奏其復見於冀州也夫是爲序





恭祝

勅授承德郎大別駕卽天卿月翁嚴老父臺七秩榮壽序

余讀豳風至躋彼公堂稱彼兕觥不禁慨然興歎曰猗歟休哉何風之隆歟夫爲政者能勤民事子惠黎元故民亦發於至情爲之稱觴獻壽以抒其愛敬不忘之意此上下之感召古今有同情也公佐理吾冀歷任之四年州人進萬民衣製錦幃囑余文以祝壽今春屆公七秩誕辰又詣余求文豈非以公之澤及桑田者深而州人之頌禱有不可忘者哉公新定望族奕世簪纓衣冠文物之鄉久已嘖嘖人口余前序已陳無庸贅疣也州之中與刺史

同寅者一人公所司軍儲河防夫河防之關於民命者大矣  
冀之城郭村閭桑田隴阡不知幾千萬落而士庶之所藉以衣食  
與夫供賦軍國祭祀賓客之費莫不取給於此自滹沱滏陽清漳  
之水滙流冲遶冀方其高浪巨浸洶涌排蕩浮地際天可爲震心  
駭目近古以來沿河築長堤百二十里以防之崇墉巖巖纍若邊  
墻當汎水冲突拔樁捲葦堅厚者日漸爲虛鬆高峙者積久而頽  
墮矣雖歲功累百萬猶恐不足以濟故河水安流民有多稼之慶  
堤防疎失人懷其魚之憂治河之功蓋可忽乎哉是以

朝廷念切脩築宵旰靡寧

總督體恤民艱羽檄電掣其恤民防川之

萬壽序  
意至深切也然奉行者多文飾故事而公則未雨綢繆謀畫周  
詳時策欸段往來河濱督理堤夫實其虛鬆完其頽墮居停埵口  
彌月經旬或擲風沐雨或披星戴月歷任數載如同一日民不知  
有河水之患境內豐稔皆公之賜也歲丙申夏月霪雨連綿

公奉調賑饑漁陽者三月有餘適漳水潰發堤工危險督河張公  
請於總督趙公檄撤公回任時河工久因循水勢澎湃如方張  
之寇其鋒不可撓公百計維持雖埵口瀰漫猶幸不成災人謂  
公不賑饑堤事必不至決裂洵然不於此不足以見公而公固  
不欲以此自見也公於吏事清正自持不喜煩擾與民休息征

科從寬政奉祭祀以誠處僚案以和接紳士以禮雍雍儒雅令人  
鄙吝頓消余閒居延 刺史公暨諸公至園亭張樂設飲奉卮酒  
爲長夜之歡見 公樂易和平有長者風知其得天者厚 公今  
七旬矣志氣日益新筋力日益固強健精敏有類余昔年居官之  
時因念解組林下數年來嬉遊於春風太和之天非藉 公之所  
以佐理牧伯者有以致之歟顧余馬齒加長而公之爵祿名壽正  
未有艾且聞後裔多賢磊磊落落皆青雲之器其冢君蜚聲庠序  
虎變鯤騰正未可量也疇昔 公夫實其溫澤其其厥德其其

萬壽覃恩 公以七品晉秩得封父母如其官奕世承恩樂莫大焉或者

萬壽堂  
曰 公鄉試屢以簾官具題名已達

宸聰矣何以至今不遷也意者政未洽歟德未彰歟余曰唯唯否否是非

爾所知也遷擢自有時耳如 公之德政載諸口碑不可殫述豈

祇雞黍不赴以見其介遇溺垂涕以見其仁周急堤夫以彰其慈

而已哉屆茲 嶽降州之紳士父老子弟躋公堂而祝岡陵者方

師師濟濟惟恐其後豈惟感公子惠黎元之德亦將以抒其愛敬

不忘之意余敢後父老不搦管一頌揚 公之盛德也耶於是乎

書卷百皆 嶽降州山東部夷國至事賦天賦於平熱

康熙五十六年歲次丁酉孟春中浣之吉



恭祝

勅授承德郎卽天卿月翁嚴老年臺七秩榮壽序

昔晉太保王祥初以別駕佐理方州仁心爲質利濟宏施累  
遷至三公迄今讀海沂之歌其民推戴別駕之功者垂諸青  
史赫赫在人耳目間惟太保當日能登其民於仁壽之域故  
民咸樂得而稱頌之耳冀州別駕公

嚴月丹先生與余有梓誼其宗弟西武同在史館以月翁七秩  
壽序囑余具述其里居蒞官數節始知君之行詣政事迥  
超夫俗吏之表夫爲民父母而能利濟存心諺所云壽國壽



民者良重賴有斯人也 君王父 中寰公以孝廉作宰中

州衛輝淇邑素著德政載在口碑父 以恒公叔 皞如公

皆儒林名宿堂伯 以德公孝廉考授中翰其舅氏則 明

相國書田方先生也宅相之名久爲相國公目之 君幼失

怙克紹箕裘事 母盡養夫婦居室相敬如賓處昆玉友愛

情篤歲歎出囊橐以賑窮乏閭里德之家子若孫習其教訓

循循有次第以故長君遊庠仲及叔季策勵業儒諸孫亭亭

玉立皆後起之秀 君初遊太學有志棘圍數奇不偶遂考

州佐於己丑夏除冀州別駕職任河糧糧之出入舊屬刺史

君每有徵比輒勸民輸納於催科之中寓撫字之意凡有利  
於民者每爲刺史陳請州人悉利賴焉冀州處三河津要西  
北河堤凡百二十里包括田廬村庄數十萬頃其間桑阡麥  
壠棋布星羅粟米麻絲供賦軍國州之士庶衣食取給於此  
故河水安流則藹藹桑麻鬪鷄走狗人獲豐亨之樂一疎防  
禦則怒浪震蕩席卷廬舍漂沒田禾民無以爲生此濬築之  
功不可不預爲備也然當事者每沿習故事求其急公忘私  
以民事爲已憂者如君輩不可多得當汎水期發君往  
來漳河督理夫役雖風雨星霜不辭勞瘁故八載以還年穀

時熟家給人足防濬之功其利溥哉丙申歲時當久雨漳水  
潰發君立馬泥淖中指揮丁壯堵塞河口堤夫有糗糧不  
足者解俸錢以勞之遇覆溺者爲之隕涕給衣棺以助之其  
愛民真切如此君俸薄曹冷處之澹如惟政暇則與客圍  
棋瀟茗一遇訟至爲之別其是非判其曲直卽頑硬之徒靡  
不心折而退順天鄉試屢以簾官具題賢聲丕著卓異可且  
暮期之君歷任之四年冀民於君壽曾制錦幃進萬民衣  
以頌其德丁酉如月屆君七秩州人又復議稱觴君以五

萬壽覃恩至是年始頒 誥封以七品晉秩 誥封二代光前裕後

可云千載一時矣夫平居多鄉曲之譽居官副父母之名謂

非偉人之德業卓然於當時哉今河朔士民飽 君之德爲

之 章以頌其壽其惓惓於別駕之功者不啻於晉民之頌

太保焉佗日載諸循吏傳之史冊自應與古人後先輝映流

芳於不朽彼繁詞縟禮舉春酒以介眉壽者直世俗之虛文

又烏足以語於此哉余旣應西武之命又喜 月翁能爲良


有司也乃援筆而爲之序

大清康熙五十四年

大清康熙五十六年歲次丁酉如月中浣之吉

賜進士第通議大夫經筵日講官起居注吏部右侍郎兼翰林院掌

院學士教習庶吉士年眷弟湯右曾頓首拜撰



...

...

...

...

...

...

恭祝

大台輔嚴月丹先生七秩壽序

歲辛丑余在都職司監察有冀之諸紳士過余而言曰先生海內人文屹如山斗猥以公務之暇採末議論執政颺言以制屏其許之乎余曰嘻過矣余豸冠也卽有腐史之心而無形管之寄詎敢附書以當文獻目耶諸紳士復揖余曰是所祝者非他人固吾冀別駕

月翁嚴父臺也公爲桐江望族筮仕於冀其異績美政吾冀目覩之自當深信之傳於公之梓里得毋有疑爲謏焉者乎先生

之筆質而直不喜作近人諛語昔視鹽權於兩浙浙之人惟  
先生之言是聽然則今日微言以爲壽非我公不足以當先  
生壽非先生則亦無以壽我公也自己丑公倅於州歷今十  
三年每遇攬揆之辰必榜門却賀凡里俗羔鴈牛酒嗒嗒歌  
舞皆逆屏不使前而遠近之人飽公之德稱頌者不禁其相  
望於道焉屢製詞章以晉萬民衣先是公之同里太史湯先  
生稱於前公之宇下司馬陳先生頌於後其於我公先代簪  
纓子姓鵲起詳哉言之矣今辛丑仲春之十七日又屆懸弧  
期則何煩他贅爲也蓋我公以兼人之才適仔兼人之任其

異政美績更非前事所可同日語者當己亥庚子之會州刺  
史公迫於王事之靡鹽馳驅糧役脂車西行代篆者時一至  
境卽歸故署而一郡之錢穀邢名悉萃於我公一人之身公  
於催科之餘寬嚴互用司納有法搜剔吏胥一切奸弊上下  
俱不至困至於折獄隨其是非判其曲直強禦者抑之懦弱  
者扶之昆虫蟻子之微旣沾湛露豺狼狐狸之輩亦畏檻車  
自太守及守廵撫憲岡不嘉其能而懋其績然我公之憂憂  
乎能自持者猶不在是也吾冀素號澤國處三河津要河堤  
百二十餘里近以州倅督理爲專職汎水期發偶有潰決卽



罰不旋踵十年九潦以是民屢被其害而官亦屢受其累公  
督理其間獎其勤者儆其惰者往來於風雨星霜之下立馬  
於波淖泥濘之中市魚米蔬腐爲飲食飭粥菜羹與役夫同  
其甘苦民感於是力爲工作數年之間堤工堅固得以不潰  
條堤一帶皆爲腴鄉遂使賡多黍者無殊天寶之初紀有秋  
者不啻元嘉之盛此皆諸紳士所目擊而心識者也生先次  
其事以爲序製於冀爲載功之碑聞於浙卽傳信之史不兩  
得乎余曰信若是是不惟期願可待而卓異亦且指日計矣  
昔太保王祥及張柬之姚元之諸先賢始皆未獲縮篆而以

判郡起家乃後之勛業滿天壤霖雨遍寰區公今繼其芳規  
行見姓寄金甌名鐫玉版則福履之綏又安量其所終哉余  
以匏繫都門不得與於稱觴之列因諸紳士之請而爲是言  
諸紳士借余言以侑觴庶其輾然而進一觥

昔

大清康熙六十年歲次辛丑太簇中浣之吉

賜進士出身儒林郎掌河南道事廣西道監察御史加一級鄰治  
年家眷弟陶日燹頓首拜撰



中恭祝

勅授承德郎月丹嚴老寅翁八十榮壽序

真定古之趙地也憶予分符爲刺史時而六月翁已先予佐理冀  
州矣面晤之餘覺精神矍鑠善氣迎人一晉接如平素知交不禁  
喟然嘆興曰此有道仁人君子也暨遇州中公務時相往來商確  
詳細通情愫道欵洽備悉翁之行詣政治真本諸德而濟以才  
者也不惟壽考難量卽卓異喬遷可拭目俟之乃予歷任數載爲  
牛監生事所累適羅其譴掛冠之會荷翁鼎力曲爲調停邀集  
本州紳衿士民捐貲數百餘金翁慷慨傾已囊合成千金之數

以幹旋其事予幸獲復刺史原任調繁杭城守令未踰年即捷遷  
杭湖道且蒙

聖天子鴻恩特誥授直隸臬司夫以予之菲材涼德分綰兩篆濫受

朝廷不次之擢雖予之遇合有數然非賴寅翁大力周旋奚以


濟涸轍而屢叨榮寵也雲天之誼何時不銘刻在心歟今年春爲

我翁八秩誕辰州紳士及父老子弟製錦稱觥以祝難老乞序

於予予久已奔走仕宦幾置楮墨於塵埃矣然知翁之深感翁

之功奚敢以不文辭夫翁固名家子也桐江望族代有聞人

祖中寰公萬歷辛卯登賢書出宰淇邑績著循良伯以德公癸



西孝廉考授中書尊人 以恒公補博士弟子員爲儒林翹楚  
翁少年折節讀書蜚聲庠序屢奮棘闈不售因遊太學遂考授徵  
仕卽選今職歲癸巳恭遇

萬壽覃恩贈承德卽馳封 父母如其官稍慰顯揚之志而生平之繼

志述事其得於 母教者爲更深 翁母方太孺人柔儀令則夙

凜家風爲壽邑宰 可正公之淑女明大學士 逢年公其舅也

此舅此甥髫齡時卽有宅相之譽今蒞官臨政戴星出入勤督河  
工周卹民隱恩膏徧於桑田且廷訊惟公是非立剖凡興利除弊  
有益於民者不可殫述深仁厚澤載在口碑州民誠不忍一日忘

也然而翁年已八十矣以精力就衰欲詳請休致乃我翁之歸志方殷而士庶之攀轅甚切予因爲之勸駕曰旋里就養得以返樸全直凡署中新舊交遞與夫申詳諸務俱予一人經理其間無稍涉乎翁慮而翁始快然長往矣且夫翁之倅於州也自己丑始提轄五縣德施萬民吏治二十載以清白自操一旦解組歸田祖道駢跡六十而登仕藉七十而膺

紫誥八十而還故鄉雖漢之二疏不是過焉吾知歸之日舉案齊眉觀堦前之玉樹瞻砌下之芳蘭綵舞稱觴羅拜膝下而翁則高堂點額嬉笑含杯是固翁之奇遇實亦翁之奇福也所謂仁人君子

得全全昌者非 翁其誰與歸予與 翁知交有素慢應諸紳士  
微言之請爰進卮詞以壽之由大耋而登期願固操券可致行且  
賡淇澳頌抑戒以遙爲 老寅翁侑一觴矣是爲序

皆

大清雍正五年歲次丁未太簇吉日

賜進士出身前直隸冀州知州浙江杭州府知府杭湖道

勅授直隸按察使司按察司年家眷寅弟魏定國頓首拜撰



... 宗譜 ... 宗譜 ... 宗譜 ...

... 宗譜 ... 宗譜 ... 宗譜 ...

... 宗譜 ... 宗譜 ... 宗譜 ...

... 宗譜 ... 宗譜 ... 宗譜 ...

... 宗譜 ... 宗譜 ... 宗譜 ...

... 宗譜 ... 宗譜 ... 宗譜 ...

... 宗譜 ... 宗譜 ... 宗譜 ...

... 宗譜 ... 宗譜 ... 宗譜 ...



壽四翁嚴老表叔六表榮壽序

翰林院編修  
方象瑛  
四川正主考

余嘗稱嚴老表叔州司馬四侶爲人恬靜少時卽不與俗侔有端人之概今七月屆君春秋六十矣親友乞余一言爲介兕之助余何以祝君請以君之寧靜梗概進之壽筵可乎君大父中寰先生由名孝廉出宰淇邑冰橐蕭然維時之尊公文學以恒姑丈爲先大父閣學公妹倩甫離襁褓賴先大姑爲之內助增其式廓未幾文學公見背遺君僅十齡君藐年持身處世率循禮法與世家子弟以豪華是尙者大相迥別惟鍵戶潛修與詩書爲寢食及長充上庠博士弟子試輒優等後因秋闈未利入成均候選銓曹恂恂

如一書生且足不履城市雅知自重未嘗干謁當事真所謂名可得聞人不可得而見者君之爲人如斯或曰君列天部異日出膺民社大展經綸以寧靜處之可乎曰治世之道莫若寧靜今之作吏者動多貪慾激于忿怒舉事不以時朝令而夕改紛紜苛刻日不暇給而民卒以不治者不能寧靜之失也使君而理方州息事安人吏不驚而俗不擾豈非循良之選哉且夫古之享有上壽者寧靜而已俗士之於世也貪慕無窮百端感其心萬物勞其形其容槁木而髮星星無怪也若夫上士則無欲無欲則天全其精神完固足以齊喬松之筭享岡陵之祉豈顧問耶君之必得其壽又

可知矣君事母孺人孝根天性治家有法寬嚴並濟嗣君五人冢  
嗣爲文高聳芹香拭目可俟仲君蜚聲庠序余讀其試藝克紹中  
寰公之謨烈餘俱好學能文而且孫枝振振悉不凡之器不惟親  
拜 龍章之寵錫更受令子哲孫之 綸誥馳封正未有艾

也余與君有屬世講戚誼而家弟象理復締姻婭稔悉君之爲人  
不侔流俗者如此諸友以是爲祝必以余言之有當也夫

不辨流俗以吸其精文以長為師必以余言之亦嘗感久  
 也余與君之風世斷然前所來使策堅勇疎離盡然志吾文為入  
 也 新章之語應更受命于神經文也 餘補綴桂五未亦大  
 疑公之斯然給以公學其文而具一知建然悉不火之要本無  
 歸然文高登我香苑日何射中吾楚聖與與余簡其始楚京餘中  
 可味矣曾之毋無人奉殊天擇尚於休也宜類並為隔既正人矣



祝者賓公之嚴太親翁七秩壽序

禮科給章振萼

嚴氏爲楚王支孫故楚有莊周漢有莊助因避明帝諱改莊爲嚴此受姓所由始也厥後嚴安陳世務之書彭祖習春秋之學子陵垂綸於桐渚君平賣卜於成都卽遷遂以來仙鳧飛淇水之濱呦鹿奏錢江之宴他如明經髦士接武增輝赤芾朱纓聯鑣煥采嚴氏之世澤淵源由來久矣公之太親翁則里中傑出者也怡情竹石寓意烟霞儉可持籌父肯堂而子肯構勤能創業秋省歛而春省耕以致家號素封室稱大有與吾族累代姻親締相和好予渭濱叔太翁三代俱係渠宅東床工岐黃術往來其家曾孫萃玉

得其秘傳名聞郡邑去歲適太翁患病萃玉弟竭力調和悉心

探討精神洞見於隔垣藥石潛通於六腑太翁霍然其立愈兩

君樂矣而忘憂緣舊日之主賓聯今朝之婚媾月老牽繩於綉幕

冰人掌判於華堂不揣舍姪繼昌仰攀次君閨媛葭苕接續葛藟

綿延從茲由子以及孫曾累傳勿替嗣是自耆而臻耄耄百歲可

期今日者陸氏二龍並躍薛家四鳳齊飛節屆麥秋時逢梅雨

太翁享七秩之上壽膺五福之洪疇遂揚觶而語曰敬謝章先生

延年之德卽舍弟亦稱觴以祝云毋忘巖太翁擇婿之恩淇泉

浩匕釀成北斗瓊漿綠竹猗猗截作南山彤管

中  
章  
洪  
泉

祝岳父受如翁七秩壽序

邑庠生

周珽光

人有特立非常之概者不必前有所因而起也而還以創乎後者之所藉蓋其骨堅其力厚其神全秉天地不磨之氣以成形故其歲月常貞而春秋獨永若我岳父諱受如則固其人也岳

父先世系本桐江遷遂而朱軒代與雖少治詩書因貧故蹈跡自晦歸隱農耕克勤克儉以致家計漸裕田園日廣行其庭父慈子孝兄友弟恭不減家號素封者乃効成周力田孝悌之義不俾其舍本而逐末也至急人之危扶人之難排解代鳴其不平是際坦險而不失其則遇常變而一歸於時事可概舉不能縷述岳父誠




特立非常者哉歲在癸丑時維荔月屆岳父七旬諸舅暨表姪輩  
 親友之相知者咸欲為詩歌以祝因予忝在甥館屬弁其首余自  
 揣知岳父之行甚悉體岳父待予之情甚深正不必咏岡陵頌升  
 恒惟視庭無忤氣戶多和風桂子蘭孫郁馥綦楚誠光大前猷克  
 昌厥後者矣人生之壽孰樂乎是而况繼此添籌正未有艾又安  
 在不以八千歲為春八千歲為秋也

文淵藪蓋其情... 以具其幅全... 賦不... 之... 以... 涉... 此

人... 非常之... 者不... 前... 不... 因而... 賦... 而... 數... 以... 餘... 年... 外... 作

麻岳父受... 餘... 小... 壽... 氣... 公... 南... 山... 形... 體... 昌... 華... 也... 風... 與... 光



祝純一尊表叔八秩壽序

舉人候選知縣鄭平良

世裕之稱壽以數七定之於天而吾儒之徵壽以德七修之自吾

若純一尊表叔者固所稱仁人也傳曰仁者壽其為永年奚疑

焉今秋菊月屆翁八十懸弧令旦族戚知交丐余一言以侑觴祝

余自庚子秋叨列鄉薦因親表至戚拜訪其家荷蒙置酒相待劇

談數日乃辭去始得悉其行事為最詳翁承詩書之後其先祖

以正公材誠敏達從兄孝廉以德先生常信任之殆令尊震

孟公亦讀書有聲以家貧不能卒業而所遺產業實未豐翁與諸

昆季克勤克儉努力同心數十年來勿析產以致廣開拓阡家聲

丕振遂望重於一鄉焉性孝友事兩尊人左右就養靡不備至而處兄弟怡匕盡善長兄肖文公老而無子卽分爨後翁事之尤加意故內外曾無間言至若胸懷坦直凡待人處事一世淳龐敦厚之是尙而重然諾嚴取與有學士文人莫能踰者誰謂其德有歉歟而德之所培更難量也得任孺人以爲配賢淑無比及今舉案相莊生丈夫子三俱各長成完姻將來英賢代蔚紹美青緇者當不乏人翁惟息慮寧神優游三徑以自閒適絕無紛華勢利介其中樂莫大焉夫人心曠則神怡神怡則形固其言靜也仁者之體主於靜則由耄耄以進於期頤皆靜以致之而有餘永年豈其誣

哉是日也黃菊方釀紅葉將盛撫當前之佳景瞻一門之喜慶當  
必樂聞予言而油然暢飲矣是爲序





祝寅初嚴表叔六旬榮壽序

舉人候選知縣

鄭良

嘗考古立言之士無慮數十百家獨祝嘏之文闕焉不載豈古者  
婚姻友朋之誼無假於文卽間以文壽人而文之可傳者或鮮歟  
余求其說而不得竊以爲君子雖樂道人之善而亦無溢美之辭  
誠非敦倫尙義與卓然有爲之才又曷克稱焉若我 寅初嚴表  
叔非君子之所樂道者乎嚴爲吾邑右族代有偉人 翁生而穎  
異染翰能文宗黨咸器重之後因總理家政不能卒業惟抱璞丘  
園怡情三徑或蒔花種魚亦不過偶自玩適究無容心焉方諸阮  
嵇若不屑擬而敦孝友砥廉隅雖學士大夫有莫能踰者 翁淑

配余孺人未及三旬早逝 翁遂決意不續娶故堦前一夔繞膝  
蘭孫盈庭崢嶸頭角悉不凡之器後先崛起而高大其門可操券  
而定也今已酉仲冬屆 翁六十攬揆之辰渠從姪範予丐余文  
以壽余忝戚末熟悉 翁之善行與夫卓然有爲之才固無假於  
文以壽而敢爲溢美之辭哉况由此而耄耄而期頤龐眉皓首人  
共指爲地行仙是日也兒媳捧觴孫曾戲彩 翁雖不善飲顧而  
樂之能不大進一觥乎

明大宸章嚴翁六十壽序

丙戌歲貢

姜毓驥

富春宸翁嚴從母舅竹里隱君子也從弟開三翁爲予之舅父又爲予之外父始叩謁時見翁之魁梧道貌善氣迎人藹然如春風和煦蘭徑芬芳昔賢云溫溫士君子令我懷抱盡如翁者又安能盡其懷抱哉今當六十懸弧之辰知交戚誼謀所以祝之而屬序于予因予稔翁之生平也安敢以不文辭翁自束髮受書與仲弟廷楫翁師事文學堂伯宣臣公宣臣公均以大器期之暨長博通經史嫻於典故詩詞並精于書法以翁之蘊藉宏深博青矜如拾芥耳乃文日益工數日益奇屢試而屢困於有司孰謂文章有定



價哉然而翁毫不爲之縈懷此所謂志于道德而功名不足累其  
心者歟昆弟五人翁行長同氣式好無尤自余孺人卽世友愛彌  
切撫諸姪輩猶子情深尤善事椿庭油油色養淡人公因其名未  
克成詞譴責之曰吾王父淇水公名孝廉也吾父爲儒林翹楚吾  
雖不獲登賢書亦無慚于藝苑爾與仲弟同爲吾所屬望仲弟卽  
食餼尙未足滿吾意何爾徒讀父書寸進竟若此之難也翁聞言  
而掩淚乃出慰以應之曰古人一曰養不以三公易區區小試其  
顯揚亦僅耳矧大人題壁之句云聊效謝公高卧且同陶氏養閒  
卽大人亦何嘗急急于名譽耶談人公鬱氣稍平且肯首焉翁母

余孺人見背事唐孺人得其歡心其承顏順志也如此翁係富順  
宰瑞人余公之孫壻歲進士中恬公東床選自余孺人鹿車共挽  
以還琴瑟靜好家道正而門內肅然舉丈夫子五庭訓維嚴叔子  
若芬遊膠庠餘俱業儒曾孫頭角嶄然聯翩鵲起正未有艾翁當  
公孫入仕之年而淡然名利真無忝隱君子矣夫人立身行已委  
足砥柱流波卽翠巖碧草間可以翊世亦可以壽世大丈夫老當  
益壯請卽以伏波之言敢爲翁祝

臣等謹以所奏之旨...

其所以致此者...


公卿大夫之...

臣等謹將...

以勤琴瑟...

其所以致...

全器人其...



恭祝仲章嚴翁七十壽序


丙戌 歲貢 姜毓驥

嘗考諸禮而知王者敬老之典特嚴以重也夫古無頌壽之文而通之於今則家脩其實求其順齒而加敬焉孝子以之事親嘉賓以之答貺自耆年而漸進期願嘗記憶於心以致愛日之誠不可恍然於壽之爲言非即王者敬老之遺教人盡爲子之道哉茲仲章嚴翁予之從母舅也行年七十邑之親友採仙芝以作餌進甘旨而稱觴乞序於予以祝 翁壽予於 翁之所爲評乎月日者自翁鄉閭而已旣聞之故不辭蕪陋爰効一言以爲頌 翁系出邑宰淇水公文學以恒公之文孫冀州司馬公之令子也司馬

公子四人翁雁行居仲家政悉推長氏司馬公佐理冀州獨借四  
哲嗣季和翁至任太母余孺人在堂翁與諸昆季備極色養得  
其歡心而且式好無尤咏白華而歌棣杜殆無間於人言少從師  
肄業不獲售於司衡乃隱居林泉絕跡不入城市惟課讀命剛優  
游三徑饒有爲善之樂此真朴誠長者而超然於世俗者歟有丈  
夫子三皆恂恂禮讓作苦田間而孫支亭亭特起門以內風清教  
醇而家人爲子之道得以接踵乎翁則嚴氏之世有其父世有  
其子即云王者之意行於一家可矣又何必希心難老效葛稚川  
之脩煉與安期羨門較脩短哉予且即以孝友爲政敬老近父之


說爲 翁書而祝之諸親友僉以予能擇言陶然酌一大斗是爲

序



請為

余嘗而陳之請縣文念以予請對言謝於酒一六十其為



季和嚴公七十壽序

姜毓驥

明經

從來才行兼長之士必生於積善之家故承先烈啟後昆上有永垂之世澤下有丕振之貽謀而其身亦享康寧躋眉壽此固理之必然而不可易者如吾從母舅嚴翁季和其人也今歲夏爲翁七秩弧辰諸戚友製錦侑觴謀所以壽之者而徵言於予予處甥館有年因熟悉其家世與夫翁之梗概焉翁曾玉父中寰公萬歷辛卯登賢書分符河南衛輝府淇邑知縣循良奏績載在口碑王父以恒公邑增生爲方少傅逢年公妹倩少傅公曾以國士目之尊太翁月丹公考授州判綰篆直隸冀州功紀河糧一時稱




盛治焉月丹公舉丈夫子四翁其季也生而岐嶷負才略敦大  
節老成鍊達熟於得失是非成敗之故里中事無鉅細諮而後行  
有至性懷熱腸以規夫逡巡汝暗機變狡獪者不啻霄壤矣事親  
承顏順志孝養無違尤篤於友恭怡怡式好雅有大被之風而且  
三黨雍穆爲人排難解紛卽頑梗者靡不心折月丹公知其有幹  
濟也故榮任之日獨偕翁至署夙夜相隨不離左右諸凡政事  
無翁以一身任之剖析經營一一得其條理所最著者治河之要  
務事只在於服勞功實關乎施濟得民心正以全子職也然而善  
則歸親翁豈以州民之戴德視爲己力哉宜其榮封二代天默

有以相表太翁而並以佑也翁之光前裕後也乃太翁六十蒞官  
至八十而已廿載矣人謂太翁之以德獲福其竒遇真人間所罕  
有而不知皆一翁之孝可格天其應自不爽也太翁當耄年之期  
精神矍鑠猶依依不忍解組歸田翁窺其隱竊謂人生臻大耄而  
進期頤者曾有幾人因跪至膝前微言婉道勸其旋里而太翁則  
快意不允乃事會逢其適臬司定國魏公公翁同寅故友也方蒞  
任直隸太翁有公務詣省拜謁翁扈從隱書一稟啟以年老休  
致懇賜申詳等語藏於名刺中謁見後仍回州署魏公閱之見名  
刺中有稟啟係勸太翁解組之詞斯時程行約二十里許魏公命

飛差追至請太翁反省有言商確復承命謁魏公公感太翁疇昔之恩力勸之曰年老告歸優游閒養堪聚桑梓之樂署中交通申詳諸事予俱代爲經理無稍煩 寅翁顧慮 翁可悠然而返旆矣當回署時怒責 舅翁以爲爾奪予祿家中日用所需將奚以自給暨歸故鄉與余孺人相晤携手不覺慘然淚下旋復快然神怡念此契闊良深而一旦夫婦齊眉孫子繞膝一室團圞真家庭極樂事也越二年而太翁仙逝非 翁之善爲調停其何能全始而全終哉擬之以才行兼優奚愧焉今日者年屆古稀琴瑟調和斑斕迭舞益信善積餘慶理有固然而 舅翁之鴻禧殆未可量

也已爰書以應徵言之命 翁聞之當以予言爲不誣而笑進三  
爵也夫是爲序





祝菊有巖親翁七秩大慶序

乙卯科舉人

方錫綱

人之膺厚福享期願垂裕後昆者必由先世積累而當躬又慎修  
不怠乃克當之若漢之陳太丘宋之王文正是也蓋惟德動天惟  
天眷德不於其身必於其子孫感者無心而應者若搯券可換自  
古皆然今於吾親翁巖菊有先生復見之先生爲明孝廉

淇縣公會孫先祖姑丈誥贈公文孫候選州司馬公四哲嗣  
也先叔祖榆石公延爲東坦而三子勁又爲余倩歷代姻婭知之  
最稔幼侍庭幃雁序五人先生依依色養膝下無違且篤友於  
有長衿大被風時三兄潛心儒業弟尙垂髫惟先生佐理家政

循例雍宮皆遵父命也其孝友有如此者 司馬公捐館食指日

繁伯仲謀析箸 先生讓肥受瘠與 先姑方孺人克儉克勤開

新扞拓舊構事業倍蓰於前常以妥先靈爲念故 司馬公偕配

余太孺人早歸吉兆丈夫子四孫會鵠起繩振未艾雖撫育維

般而義方不懈每歲延師課讀忠敬交至務俾一門羣從不讓惠

連其光裕有如此者至待宗黨姻親和而有禮惠而能周族有貧

乏不能存者夫妻自鬻建邑 先生惻然出貲贖之令其還宗吾

遂數十年來多遇灾歉貧民者無告 先生丁酉己亥賑饑本卹

辛未大歉東亭私賑外又助通邑公賑所費或數十金或百餘金

全活甚衆毫無德色他若同堂周濟至戚沾濡不可枚舉其睦姻  
任郵有如此者夫以 先生之存心敦行卓也 可紀又加先人積  
累卽古之世德克昌者無以過乃欲然如不足無倖心無侈顧循  
分自守若將終身今冬臆八屆七秩弧辰族戚製錦以祝而 先  
生固辭諸子婉勸受之問序於余余謂 先生當古稀之年躬列  
薦紳庭充麟鳳德有徵矣矧孜俛之意日進無疆將肫誠仰格異  
日五曜聚奎三槐應瑞嚴氏之庭何難爭美於媯水太原也哉斯  
言也匪但爲崗陵之祝亦預爲昌熾券耳是爲序





一韓嚴翁七秩榮壽序

青溪

吳秉和

人生斯世日月之相偪其速果如梭耶憶昔丙午鄉薦時同榜亞魁孝成周先生曾以明年春闈赴約是歲之十月詣其宅訂期公車北上亞魁君駕適外旋詢其奚自則曰遂陽竹賢嚴宅詢及何親則告以嚴名文愈字一韓外甥女倩也姒姪行誼既道之詳亦悉之稔當其時予年踰三旬亞魁君一韓翁甫越四旬曾日月之幾何亞魁君應召玉樓予捷南宮冷宦旋里韓翁自五十而六十至於今二月十有三日又以七十古稀見告矣日月之相偪其速果如梭耶諸親友共謀製錦以慶先期有舅氏庸齋童君者索以

序文請閱其來狀回思亞魁君向之所述如出一口予奚庸辭翁  
兄弟有五文經武締蜚聲膠庠馳名成均翁獨少多恙芸窓寬假  
儒術未精按其境地明孝廉淇縣太尹中寰先達之曾孫直隸冀  
州分守關侯先生之胞姪抑且尊人四侶太翁候選州司馬望隆  
里黨富甲鄉邦翁縱生長素封從無驕侈習惹落輕薄子以故賓  
筵屢請堅辭弗就日與二三友朋鼓琴角棋弄花戲鳥怡怡曠曠  
樸茂風高古道照人一時內外競稱爲忠厚長者元配余孺人育  
女早世繼娶童太君卽亞魁君之外甥女也賢淑才能年近五旬  
而仙遊且未育而乏嗣族黨憫之三納胡細君早卒四偶孫孺人


性柔德裕助理家政能而且善舉丈夫子三延師課讀精進難量  
孫枝玉立亭亭未艾由此享耄耋臻期頤

紫誥

賜封翁其

取之若寄即世之假蕪辭鋪張希艷者非翁所樂聞予就童君來  
狀追憶先亞魁君之所述因而泚之毫繕之錦諒翁必不以予言  
爲無當也夫

其亦有五文... 巖石詩... 巖石詩... 巖石詩...



其分守... 先生之... 且身人... 相伯太... 司馬... 巖石詩...

燕... 巖石詩... 巖石詩... 巖石詩...

巖石詩... 巖石詩... 巖石詩... 巖石詩...

巖石詩... 巖石詩... 巖石詩... 巖石詩...

巖石詩... 巖石詩... 巖石詩... 巖石詩...

巖石詩... 巖石詩... 巖石詩... 巖石詩...

祝宏若嚴翁六秩壽序

歷任知府署道事

周景柱

古今言致壽之理詳矣而儒者之論必衷諸仲尼仲尼曰仁者壽  
匪必餌芝茹木與羨門較修短也體無欲故強道無私故永情無  
累故適而所以致此者泊然一主於靜竹賢宏若嚴君序屬三冬  
弧懸六秩親友製軸稱觥丐序於予予與翁宅世聯姻婭地相接  
壤知翁之生平甚悉今雖宦遊寧以不文辭因卽仲尼之說推之  
夫翁靜者也生於巨族稟性純篤收道歸隱恍有山高水長之風  
而且矩言端履祇父恭兄悉如其分族黨事有不平咸質成焉  
片言剖晰重於刑章至頑肆難革者巽言婉語靡不俛首蓋才以

靜存事以靜立時人方之王彥方陳仲弓云而翁之令嗣沉靜簡  
 默動中規矩孫枝玉立如謝砌芝蘭非翁靜德之所致耶總之德  
 劭行高葆元守真無欲也排難解紛帖然心服無私也淡於名利  
 寄跡林泉無累也其體強其道永其情適而靜足以概之斯固壽  
 之基哉爰是特書授使以為登堂揚解之侑

斯堂昔歲餘六時壽

風景林

恭祝若鵬嚴翁六十壽序

丙戌歲  
進士


姜毓驥

從來福祉每生於積善之家遐齡不減於厚德之彥然所謂壽者  
寧必希難老爲曼倩子晉之徒延年祝壽與安期美門較脩短哉  
亦顧其德之所致何如耳茲若鵬嚴翁予之妻黨舅也行年六十  
諸戚友製錦侑觴述其梗概屬序於予以祝翁壽予於翁之所爲  
評乎月旦品重鄉閭者實飫聞而厭見之安得以不文辭翁系出  
邑宰淇水公蓋淡人公之芳裔而宸章公之令子也宸章公子五  
人翁雁行居五與諸昆玉色養高堂得其歡心夫且怡七一室相  
好無尤翁賦性剛直不事頽靡少從師課讀英敏過人三八作文



殊多穎悟先君尤鍾爰之惜家寒莫給因輟儒習神農事業舉文  
夫子五庭訓義方時匕督其耕鑿犁雲鋤雨之暇恂匕皆有禮讓  
而且夫唱婦隨克勤克儉倫理叙而家道隆以故田園開拓食力  
有餘至其處族黨間事無鉅細靡不竭力調和排解允當好施予  
重然諾跡其壯體魁梧豪情邁俗雖魯仲連不是過焉而不獨此  
也志樂垂綸宛步陵公之高跡情怡養鳥聊同幼子之暢懷性素  
嗜酒每值親友交歡欣然道故飲必輒醉先舅父稱其有陶令節  
風度於是可見翁之生平矣今日者天錫佳辰人開壽域翁花  
甲初週眉齊梁案庭滋玉樹之榮膝繞蓀蘭之秀採仙芝以作餌

進甘旨而稱觴樂何如耶予乃顧瞻雲霞蓬匕然聚於西池南岳  
間良足爲翁頌禱緣諸表弟徵言之請陶然酌一大斗是爲序



公金... 山... 此... 部... 對... 宗... 族... 家... 業... 未... 始... 曾... 時... 出... 而... 以... 為...

其... 公... 自... 年... 三... 人... 七... 歲... 時... 自... 走... 奔... 翰... 梁... 年... 十...

而... 其... 世... 公... 抵... 時... 幼... 十... 七... 年... 在... 都... 鄉... 家... 業... 未... 始... 曾... 時... 出... 而... 以... 為...

其... 公... 自... 年... 三... 人... 七... 歲... 時... 自... 走... 奔... 翰... 梁... 年... 十... 七... 歲... 時... 自... 走... 奔... 翰... 梁... 年... 十...


其... 公... 自... 年... 三... 人... 七... 歲... 時... 自... 走... 奔... 翰... 梁... 年... 十... 七... 歲... 時... 自... 走... 奔... 翰... 梁... 年... 十...

其... 公... 自... 年... 三... 人... 七... 歲... 時... 自... 走... 奔... 翰... 梁... 年... 十... 七... 歲... 時... 自... 走... 奔... 翰... 梁... 年... 十...

其... 公... 自... 年... 三... 人... 七... 歲... 時... 自... 走... 奔... 翰... 梁... 年... 十... 七... 歲... 時... 自... 走... 奔... 翰... 梁... 年... 十...

其... 公... 自... 年... 三... 人... 七... 歲... 時... 自... 走... 奔... 翰... 梁... 年... 十... 七... 歲... 時... 自... 走... 奔... 翰... 梁... 年... 十...

其... 公... 自... 年... 三... 人... 七... 歲... 時... 自... 走... 奔... 翰... 梁... 年... 十... 七... 歲... 時... 自... 走... 奔... 翰... 梁... 年... 十...



嚴翁聚三尊舅六十壽序

丙戌  
鄉薦

姜毓驥

從來多壽考者每從辛勤艱苦中而得蓋閱歷世故磨鍊精神其境愈艱其操愈固而其體愈強如嚴翁聚三尊舅其人是也聚翁少予二歲茲當椒觴餞臈之辰諸戚友以翁六旬初度製錦侑觴述其梗概而徵言於予因予與翁以戚誼而兼至交素稔其爲人也翁爲冀州司馬公孫叔正公長子八齡失恃賴祖母余孺人撫育之冀州公歷任二十年冰署清廉家業未裕暨叔正公而終窶且貧矣翁昆季三人二弟俱幼自少從師肄業至十有五時叔正公念耕讀兩難令翁出外生理翁此時以家計窘迫即曉然於困

苦艱難之境人情世務之端所謂老成鍊達者歟承父命而征途  
長徃不無離鄉之感自玉山以歷江右爲人從事書數中有年而  
賓東相得所獲資斧盡寄家中以佐高堂日用之需詎叔正公於  
己未年仙逝臨終睽隔不獲親視含殮以治喪事能母抱終天憾  
乎幸附身附棺者賴翁叔父季和公以一身經理之卽凡婚姻諸  
務俱一一代爲維持調護猶子之情篤矣而翁亦敬之如其父雖  
室如懸磬翁處之澹如也季和公因其窮約自甘乃諭之曰爾素  
具貿易長材奚不於家效計然策乎翁聽其言而爲之後數十年  
來經營自給必欲撐持門戶上思有以迺前光下思有以貽孫子

舉丈夫子二長嗣

發宗

賦性惇篤投業於農命仲嗣

登宗

授業於

予門悃欵有加課督維嚴惟期克繩祖武無忝詩書之脉而

登宗

資性明敏將來成就可期翁居鄉無遽言疾色然族有公事成竭

力主持睦婣任恤聲稱於里閭而且家有淑配方孺人勤儉自操

躬備四德臨歿時猶遺命以詩書督仲嗣勉其有志竟成惜天不

假以年與翁齊眉週甲此直有數竒焉顧今者玉樹雙輝芝蘭繞


膝吾知詩書之報不於其身必於其後行看仲嗣芹藻生香而翁

進古稀以登耄耄固操券可得益信善積慶餘由辛勤艱苦而得

壽考其理自不爽也予故漫應微言之命聊進卮詞以壽之翁其

不以予言為諛且誕而快然浮一大白矣是為序

我古絲以登亭崖固射卷何替益計等味幾紛由卒



烈吾映特書之辨不然其良心然其發台昏中開式蔣坐香而餘

野以平與餘寶鼠歐甲此直有燬音無簡合香正柳雙聯艾蘭蘇

操瀚四蘇調幾部餘戲命以舊書晉中備設其休志竟如昔天不

以生特綠職玉神絲舞氣里閉而且寒休燭晒式歸人謹劍自刺

資卦即始都來火煎何賦餘款聯無幾有幾台然就節公事款品

早月斷幾有賦精替絲飄對賦哀蘇脈定無恣情書之思四

享衣失于二具圖

登宗 頹抄對對業兌豐命中外圖 登宗 對業兌

問清叔祖五旬壽序

姪孫 家祚 邑庠

梅芬煥嶺楓染吳江是月望前二日 問清叔祖五秩誕辰也族  
戚製錦稱觴以其序爲祚囑祚念甲午之秋族中纂脩宗譜衆議  
舉 叔祖以爲督錢穀出入矢公矢慎人胥悅服而祚承諸父老  
命濫事筆墨與共事者三年知其生平益悉不敢以固陋辭 叔  
祖自幼慷慨有大志嘗曰吾高祖中寰公以科第起家衣冠文物  
綿延到今纘乃祖緒豈異人任哉潛心攻苦亦閱有年甫弱冠應  
院試以額滿見遺矢志益銳是時曾叔祖菊有公年邁倦於勤命  
諸子分爨家務紛紜功名之念不得不淡然矣昆季四人 叔祖



年最少兢七自守擴前業而光大之歲己卯自營居室菊有公慮其規模太廣難奏厥功既落成則見而喜之曰如此子者可謂肯堂而肯構矣居常理家政外惟閉戶觀書延師訓子一切非分之事不肯與聞歷觀生平宜其延年而益壽也昔朱會稽五十當富貴如叔祖者身安以爲富道克以爲貴且諸叔暨諸弟輩皆克家令器將來讀書成名克紹中寰公之緒以成叔祖之志者正未有艾也今日者梁鴻案舉謝鳳庭開詩頌南山尊傳北海祚謹進一言以爲左券叔祖其首肯焉而酌一巨觴也夫是爲序


祝瀚若叔祖七旬壽序

族姪孫 家祚 邑庠

楚邱先生行年七十見孟嘗君君曰先生老矣楚邱曰將以談正道決猶豫臣始壯矣何老之有然而人生七十自古稱稀耆英會所由作也臘月十七日爲族 瀚若叔祖七秩弧辰里中相謀祝嘏以祚兼戚誼囑爲序夫箕疇五福壽居其先然享壽者永必其植壽之基者厚也 叔祖自幼明敏讀書善屬文從曾叔祖倫至公遊恒以大成期之奈早失所怙終鮮兄弟雖家頗饒足而外務糾紛管攝無人不得已棄業就農然觀其言論舉止至今猶彬彬然有儒士風其逮事曾叔祖母周孺人也先意承志得其歡心有


疾奉侍湯藥調醫罔效顛天割股祈以身代蓋其至性有過人者  
先是艱于嗣年踰強仕舉丈夫子四今又生孫嘗語人曰惜吾母  
不及見之居族黨中和氣迎人而待其服屬尤厚雖非意相干毫  
無芥蒂卽今續脩家乘亦藉其力居多若遇事關宗祖則慷慨直  
前必得大體而後已至于造橋梁脩道路諸要舉亦必竭力以襄  
厥成是皆叔祖之植其壽之基者厚不益知其享壽者永乎今年  
已七十矣是日也梅腮綻玉柳眼含金鴻案眉齊萊衣膝繞族戚  
之躋堂效祝者濟匕多人祚捧觴隨其後而誦楚邱方壯之言以  
祝之叔祖其笑晉三爵乎抑祚更有進焉閱今譜系眉壽孔多

卽共結耆英之會以媲美古人亦族中大快事  
叔祖以爲何如  
也是爲序



虞丘先言

卷之四



祝星聚巖翁七秩榮壽序

舉人揀選知縣

方錫綱

人生五福必推壽爲先者以壽可集福而福非壽莫集也然克高年而象貌則若古樸康健不異少壯者每於隱逸之儔多遇之蓋處山林隴畝之間縱形神役於農業而其心實能超然物外不以軒冕之慕擾其天懷故願直抱樸培養元神足以延年而躬膺福祉也如會星翁其人者雖屬田間野老而其行誼固有可爲風俗矜式者翁少承遺業努力不怠漸致產業日廣可言豐足迄今唯以勤儉爲表率可謂始終不渝其操者矣且聞其椿萱並茂之時竭力事奉克稱孝敬華萼方盛之際篤情友愛絕無爭競處宗族



慶嚴孺人周氏五旬序

進士署州儒學

知州 兄周訓 撰

孺人名素字太朴屬予妹予始祖處之松陽人唐開元間以名登  
進士來主遂簿因家焉祖母太夫人出義門鄭通孝經論語小學  
古文太朴日侍燕寢太夫人授以篇章令熟聽之仍解其義由是  
太朴口誦心維久之頗有所得願其爲人德粹而和言簡而當容  
麗而莊功善而巧女中鮮有及之者太夫人之教也甫十六歸竹  
園嚴公振之胤君曰昇公振性嚴毅子稍違禮法輒加捶楚昇偶  
以事忤怖甚閉卧榻頃之家人以爲斃而避也不意竟縊於牀于  
歸之明年遺腹生克昌大朴自失所天食麤糲服裙布凡盤盂器



用舉尙潔白不幸王母舅姑與夫弟妹逾年相繼而歿太朴水漿  
不御幾不欲生宗魯兄弟以義勸之始就食自後每遇誕忌不知  
其血淚之泉湧啜蔬飲水泊然嘗淡歲未始一再食肉撫惜呱呱  
惠養童僕紡績織紉至午夜方輟以葆護其家俾嚴氏一脉不絕  
如縷者伊誰力歟晚年卜地於連塘之山舉五喪而合塋焉虛其  
一以爲宅日耐塋所天之側孀居蚤夜足不越戶卽婚賓嘉會禮  
至而躬不與官租戶役托諸兄弟以維持之母夫人家閱久不一  
歸省人勸之喟然曰造物者歎我至此何顏色奉大人也耶每落  
月屋梁秋風在樹悲號嗚咽常如祖括之日所居之後山龍吟累

月占者謂此龍必出出則房址且壑矣請遷避之太朴仰天鳴曰  
熒熒一寡婦苦且萬千龍若有知當憫我以奉宗祧何遷耶後龍  
竟從他途出龍亦靈哉今月二十有三日爲大朴五袞初度之辰  
囑昌曰爾父蚤世吾父母舅姑俱捐館予二兄又宦遊南北不克  
聚首何以樂爲爾慎無置酒高會重吾憂也迺昌孝思難已脩述  
若踪屬予爲文以侑觴予亦誼復何辭方今 聖天子在上凡

忠孝節義屢有

溫旨命所在有司具

聞旌錫矧吾妹之貞

操與金石比烈與秋霜爭嚴郡邑賢大夫必有能舉而揚之 朝  
宁者予敬叙其行誼將俾觀風者有所采焉豈徒爲今茲壽觴之



祝嚴母季太君九袞榮壽序

內閣大  
學士 彭定求

夫蟠木之與枚條巨微異致而暢葉敷華本太根深者其蔭必廣  
則知人之得以引年非可倖臻而術取也況在中綦之倫享遐齡  
以釀厚植尤世之希邁者乎若嚴母季太君德備慈帟壽登大  
耄斯足慶焉其甥孫庶常方子若韓乃予南宮所拔士曾向予道  
及太君之賢亶亶詳悉予固艷羨稔聞如所稱陶柳之母截髭丸  
熊其懿媿於今爲烈也蓋太君產自望族嘉柔靜婉嬪於先達  
中袞嚴先生浙中推理學醇儒以孝廉出宰中州之淇邑潔已愛  
民內助實左右之而循聲丕著蔽芾甘棠勿剪勿伐淇之人迄今

猶歌思焉。嚴公終於任宦橐蕭然太君與姚太君同矢冰節各  
生一子女三人撫之俱得成立姚女適姜汪兩生季女適若韓之  
祖當其瑟居時以隻身健持門戶闡政肅嚴且秉性儉勤奢侈是  
誠凡織紉竿量之餘咸歸經紀而室日以裕至於待宗黨姻戚以  
處如嫗以和御臧獲以惠徽聞孔彰中外毫無間言日惟勉其子  
以遠大爲期而子亦攻苦力學每試輒列高等惜竹箭猶艱遂賦  
鵬於暮年然太君得以無憂者則有兩孫侍養膝前式穀燕詒伯  
兮學劍銘仲兮復耽經膾史聯璧肩隨人其以重器許之視乎來  
秀則麟趾螽誥正繩匕未艾此皆聖善督教之所由致始信蘭不

虛鮮而月無妄映也如太君者五福既醉蔗境彌甘簪璣翠之冠  
佩翟珈之服而皓髮丹顏坐觀後裔之昌熾豈偶然哉今歲小春  
十月霜楓染紫砌菊凝黃屈其九袞幌辰諸戚友欲製錦舉觥遙  
托方子乞予一言以爲燕喜之助予竊意歸然人瑞照耀魚軒開  
筵祝哽匪僅一氏之榮安可襲套辭泛進惟卽其淑行之大槩約  
畧叙之而宴謠發德彤管分光或逾於吹笙擗籥矣嗣此歌仙姥  
頌靈萱彩舞盈堦霞漿溢斗者更未知其紀極也因書以授方子  
里歸時幸示諸祝者應首肯予言之雅切而非過諛云

皇親抑美不請歸情願首肯作臣衣無改而裝也

皇親抑美不請歸情願首肯作臣衣無改而裝也

皇親抑美不請歸情願首肯作臣衣無改而裝也


皇親抑美不請歸情願首肯作臣衣無改而裝也

皇親抑美不請歸情願首肯作臣衣無改而裝也

皇親抑美不請歸情願首肯作臣衣無改而裝也

皇親抑美不請歸情願首肯作臣衣無改而裝也

皇親抑美不請歸情願首肯作臣衣無改而裝也



聘吾翁淑配周孺人七袞壽序

禮部尙書兼  
東閣大學士

方逢年

稽古名卿喆彥焜耀史冊凡推毓祥之自者不第詡其庭趨而兼  
濂之闡教豈繫蜚駿流鴻之業果盡倚辦於北堂而掇芣將芎之  
餘遂有餘師於子舍哉語云培塿之上無合抱托質淺耳若夫百  
圍千尋之木必得之神臯奧區或五年一幹十年一節至于霄挿  
漢而後棟梁榱題之用始壯明堂嵯峨之觀此豈日計之茵月計  
之萍得較膏潤萬一乎蓋其含靈孕異惟根焉是賴故根者地道  
也卽毋道也今觀嚴母周太君以是月二日爲七袞初度律動黃  
鍾景添綉線出金合而召煖占玉晷以迎和福履之綏其川之方



至以莫不增矣太君長公爲以德親翁適計偕屆期初戀七不忍  
去毋多方促之親知爭爲勸駕謂宮袍何必遜萊彩請以泥金代  
捧觴可也疆圉孔棘寤寐思賢長公負異遭時知商姚偉業拭目  
可俟且次君無際雅擅筆花蘭堦孫枝更復疊出則珂鳴里笏盈  
牀毋之祚福寧有底止而毋不易臻此也聞母女於周先王父豫  
章髴佐園翠公家教甚肅凡所稱珩璜琺瑯之節漉瀨紉緝之勞  
罔不夙嫻焉及結褵於太翁葉瑟靜好鹿車鴻案同歡然適也太  
翁秉性孝友往邁尊人違和經年衣不解帶日與母焚香顙天期  
以身代至瀕危割股肉以進實與母苦心奉之晚事繼姑純以真

誠感動宗族莫不嘖嘖且太翁兄中寰公掇科筮仕凡一切家政  
太翁與母周旋之力多太翁天性磊落耻言治生惟課子爲急而  
母善承之僅匕祁匕靡不以勤約相箴下遇媵侍訢匕然終日無  
惡聲也語云長年之道通於三極事長以恭敬馭下以慈和而處  
身於勤慎節嗇人道盛矣宅樂都之康麗受函三之粹精而眉壽  
連娟爲國母師者毋非其人歟木之托也必高陵喬嶽而孕毓乃  
厚其閱歷也必屢經節候而滋息始深今以長公輩之才大知母  
之爲高陵喬嶽以長公輩之發徐而用大知雨露之積非以一日  
則夫扳輿之御翟茀之榮凡繩匕振匕繞膝而歌麋壽者孰非母

之植根深發榮巨哉先嚴與太翁伯仲夙稱世講中家公二胤皆  
余肺腑親因得締姻於長公并知其壺政甚悉記中家翁曩以授  
經之責遺二母至今快其啖檠丸熊二胤迄有成立而母且督長  
公輩以先聲使吹篪者翩七接武則異日光客星之牒者悉以樹  
護折蓼之教歸根於母惟永張母德焉可也

太翁與母夙賦文才太翁天授靈華早命坐前籍于歲餘而  
適如博采然莫不贊贊且太翁只中家公選梓送於此一時來

嚴太舅母侯封安人田孺人六秩榮壽序

嘗博稽古史稱賢母者惟陶柳考其軼事則剉薦丸熊昭垂簡冊  
間也余謂二母雖賢必得士行仲郢爲之子而後可以壽千古後  
世豈無賢如陶柳之母者不有令子則淑範弗彰聲施落也又誰  
識閨閣中有壽母焉爲之稱觴介祝也哉此余于內舅嚴子四侶  
之尊堂田孺人有不禁健羨而嘉嘆焉者孺人生新安右族及  
等適文學以恒舅翁卽余內子舅父也余嘗登堂行甥壻禮知孺  
人事最稔今菊秩進六秩悅辰四侶諸交遊謀舉霞觴而索余言  
爲序余稔知孺人賢旣嘗健羨而嘉嘆焉則請以頌爲祝蓋大異

乎無稽之詞也舅翁元配爲少傅方書田先生妹氏熊占未叶遽  
返瑤池孺人結褵未幾誕生四侶早孤孺人揮淚矢志非冠婚大  
禮裙裾未嘗一曳堂間飲冰茹蘖者近三十年矣憶舅翁捐館  
時鄭太孺人年已耄孺人躬進甘旨能得其歡心旣而以天年  
終凡舍禭殯柩諸事一準以禮雖古孝子無以加也四侶之  
大父中寰先生由名孝廉出宰淇邑以王事卒于任冰檠蕭然太孺  
人換貌孤教之卒蜚聲學校且能廣開而拓阡固女中傑也逮四  
侶復幼失怙使非更有孺人諄匕壺訓能保其不蹈驕侈之習以  
爲先人辱哉乃外課以詩書內範以禮義而于家政則孺人獨肩

焉。兢也。持盈是誠。四侶一秉。母訓動遵。繩尺無墜。先業弱冠。游庠序。尋通仕籍。候選銓曹。一皆母氏有以成之。孺人之賢。寧出陶柳。二母下耶。而且衣維瀚濯。人稱其儉也。躬親紡績。人服其勤也。至于仁被樛木。則和氣藹如也。慈逮臧獲。則惠風穆如也。且戒子以焚宿券。分儲以佐鄰炊。慷慨好施。斯又懿不在古而媿擅于今矣。四侶年正壯。已舉丈夫子。四庭盈玉樹。森也蔚起。孺人顧而樂之。喜可知已。孺人方六十。兩鬢未絲。尤將進耄耋。而期願看令子。分符縮綬。煌也焉。翟茀魚軒。以膺龍章之寵。錫者未。知其紀極也。雖然。非孺人不能成四侶之材。非四侶不能顯孺人之德。子

以母賢者母亦以子 四侶當與陶士行柳仲郢後先媿美而孺  
 人亦從此名壽千古直與二賢母並垂簡冊間也諸君以是為祝  
 當不以余言為無稽云 西漢末絲衣 李臺而與 顏魯公 命 于 公

四 附 平 五 世 日 舉 夫 于 四 風 盜 玉 樹 森 小 德 賦 歸 入 應 河 梁 之


焚 南 衣 之 刺 口 到 職 燕 難 難 我 誠 祺 又 續 不 宜 古 而 嫩 難 于 今 矣

二 如 對 未 明 呼 歸 也 也 慈 對 難 難 以 惠 恩 難 收 也 且 如 天 也

五 母 不 服 而 且 六 絲 簡 冊 入 稱 其 劍 也 限 殊 絲 難 入 眼 其 曠 也 至

乳 養 廣 丑 絲 對 幾 錢 曹 一 皆 母 刀 育 以 如 之 歸 入 以 寶 寧 出 幽 林


高 慈 小 持 益 長 矯 四 辟 一 乘 母 情 健 難 天 無 聖 於 業 報 域 報 學



恭祝

勅授徵仕郎大別駕即天卿月翁嚴老世寅臺暨德配

勅封孺人余老世嫂夫人七秩榮壽序



間嘗讀易而知坤乾之義焉坤道成女故女取乎靜在德而不

在才吾聞有大德者必得其壽聖人之言洵不誣也然求才德

兼全五福咸備者百不得一焉孰有如我哉

月翁老世寅兄之哲配余孺人者今歲孟春月翁古稀稱慶

夏六月為

余孺人設悅之辰令嗣文顯等問序於余為兩尊人侑觴余與

余宜人七秩壽序一



余月翁桑梓也。令伯以德公與先伯夏朔公同譜昆季兩世通門也。月翁佐理信都，余待罪南邑，又共事一方也。以是熟悉孺人之壺範，敢以不敏辭耶。人孺人以獅山名媛及笄歸。月翁救奩之盛，富麗一時而一孺人賦性恬澹，雖文毅輕綃雅不自飭，平居凝神清遠，悍色矜詞者見之，動容却步。昔年奉姑，甘旨親嘗，酒漿食饌必精，必潔，克執婦道。夫婦之間相敬如賓，訓子孫有法，御僕婢有恩。至於妯娌姻婭，靡不慕其壺德，仰其母儀。非一日矣。月翁以淇縣公孫承祖父業，早遊大學，數奮棘闈。後考授州佐，少年揮金，不惜時周其里中之貧乏者。孺人

將順其美傾其私蓄了無吝色及中落而脫粟布衾甘同寒素  
殊無閨閣兒女之態其賢於人者遠矣嘗語 月翁曰人生如

白駒過隙何可蹉跎若當恢宏先人之志勉着祖鞭以圖北上

耳於是 月翁謁選 銓部得授冀州別駕歷官九載殫力河

務留心民瘼州人愛戴之如二天於其壽也曾製錦進萬民衣

以頌其德皆喬孺人激勵之言成之也歲癸巳恭遇 大正而數

萬壽覃恩中外臣工各加一級自從七品以上 聖恩之資煥異日香

詔封父母如其官 月翁與其余孺人暨其 先尊人並膺國學前

紫誥

皇恩異數可稱千載一時矣 孺人以畿南任遠樂居家子若孫左右

就養天倫之樂無出其右長君遊庠仲及叔季策名國學諸孫

亦復不凡嚴氏詩書之澤極盛青雲後塵豈乏賢歟異日者

月翁報最 喬遷衣錦歸里與 孺人同享安榮登大耋而進

期願坐見後嗣鵬搏鳳翥蟬聯而起

恩綸疊至象服頻加垂諸彤管豈不令閨中傳為盛事閭里誇為美談

也哉用拜手而為之序

大清康熙五十六年歲次丁酉仲夏月吉日

賜進士出身

其美則其味蓄乎無吝色以申密而銀粟亦余甘同寒素

勅授文林郎前陝西平涼府平涼縣知縣壬午科鄉試同考

萬壽科分校北闈南宮縣知縣加一級年家眷世寅弟朱良佐頓首拜

撰



萬壽保代難非關南宮錄味細味一以平案錄  
 味對文林酒前對西平京錄平京錄味細味于十味膠結同法

祝嚴母唐孺人七秩壽序

舉人候選知縣方克壯

余與嚴子廷楫暨邑中英流爲文酒之社時余未爲弟子員而廷楫已有聲黌序每集於其家愛其華堂厦屋園林亭池之勝甲於一方而金昆玉友相愛無間言而嘆嚴氏之先澤由來遠矣日設供具酒必清肴必馨果蔬器皿必精且潔詢之而乃知廷楫有賢母也今秋仲上浣屆唐孺人設悅之辰同社友任自弘余君履中郵札京邸謀爲文以壽余均有猶子誼敢以不文辭哉廷楫之家學淵源其尊翁四侶先生爲人端方真率以文藝相商者必改容而禮之每當余輩角技時諄乚以互相切劘爲囑待其子姪則

獎勵培植如不及諸嗣君翩然蔚起悉皆好學能文而廷楫遵義  
方之訓復藉慈幃之令德以檢索其身陶淑其性雖與其兄若弟  
同父異乳而式好無尤不殊一母所生則孺人平日之撫諸子不  
啻如已出又可知已孺人仁厚性成恪守婦道抑乎不欲以才自  
見迨秉家政則內外一時稱賢凡倉庾之積貯泉刀之出入家之  
大小長幼上而子媳下逮臧獲食指蕃衍米鹽凌襍孺人處之綽  
有餘裕今年已古稀雖皤皤黃髮而神明不衰矜覩廷楫奮跡詩  
書嶄然見頭角以大顯其親克紹淇水之芳躅寧才學如廷楫僅  
食餼於庠以次貢成均已乎余今幸成進士廻思曩者與廷楫會

文時倚其軒檻睇觀竹樹間濯清池以樂魚樂已渺若河漢乃復  
以明習吏治羈留都門不獲從自弘履中登堂拜母耶附一言以  
侑霞觴亦以伸猶子之情云爾而自視則彌覺歉然也是爲序






前賢雖亦以申節子之節云爾而自顯其貴熾然此其為事  
以脾胃衷欲壽留滯門不獲從自思氣中... 宜其母... 一言以  
文部於其神識... 樂魚樂日... 美... 美... 美...

祝嚴母周孺人八表榮壽序  
世德同歸人質登毛際可

自葩經有介壽之句後世稱觴者每乞言以爲壽而壽女之文亦  
偶見於歸太僕集中則壽之以文祝也其來久矣余謬竊時名雅  
不喜爲登祝之言然於松臯安序堂二刻亦間有附入者爲親友  
之請不敢辭也茲內弟嚴四侶以其族孫枚臣之母周孺人屆  
季夏八表悅辰持札問序於余其敢以不文辭哉嚴爲吾邑右族  
人文代蔚不具述枚臣獨具排解之才重然諾慎取與里中咸悅  
服之詢所自則得諸壺訓者多焉孺人系出桂林周刺史公後柔  
貞靜婉蓋其性生使然及笄歸公整君如賓致敬則人稱令妻也

孝事尊章則人稱賢婦也然孺人尤有難焉者年三十早失所天時三孤皆幼撫育而教誨之迄有成立家貧甚甘苦備嘗凡婚喪賦稅之大米鹽絲枲之細悉待孺人經理故曰難也年既耄日率諸婦勤事紡織中夜猶聞操作聲非敬姜所謂勞則善心生乎枚臣廣交遊凡客至其家則爲陳鷄黍肴核以宴樂之古賢母截髮鏗薦之風何以加茲今閱年已八十矣猶強健善飮飴撫諸孫而曾元之蔚起者正未有艾將壽與福齊期願固所自有也懸知是日也盛夏正長荷香扞艷枚臣之知交皆登堂而進筭孺人顧而樂之喜可知已憶余甲寅避寇其地稔聞孺人賢聲今重以四侶

命則釐祝之言蓋又不妨破例爲孺人一捉筆也





祝岳母姚太孺人七秩壽序

郡庠生

方至

時維九月序屬三秋爲

岳母姚太孺人七旬令旦諸戚誼謀製

錦懇縉紳先生一言以祝嘏岳母再三辭謝

至

思忝在東床素悉

北堂徽音實績安可無一詞以侑觴也哉因不揣鄙陋敢製軸而

奉祝曰從來母道之隆有踰於孝敬勤儉者乎有踰於以母道而

兼父道者乎岳母秀鍾燕峯系出崇公未笄而姆教素嫻及于歸

岳父廣臣公年甫十七而克修婦道事匕與公唱隨無違公派

衍桐江子陵先生之裔生平篤愛雙親清溫罔懈岳母則任紉鍼

潔滌瀼以承舅姑歡可謂孝矣公友于性成式好無尤有姜被之

風岳母則和協妯娌婉婉垂悅榛相之贄修焉可謂敬矣至若耕  
雨犁雲寒暑不辭公之勤也岳母則裁雲績月晨昏靡倦焉甘苦  
備嘗淡泊明志公之儉也岳母則粗糲無遺糟糠不厭焉且夫公  
之忠厚持家恢宏創業未獲眉壽忽夢黃梁飯熟岳母則玉骨冰  
心撫孤成立子女婚娶經營督課迄今德文雋文端文諸舅克承  
父志而家業益興蘭孫繞膝俱覩見頭角者要皆岳母諄乚訓誨  
之力也是不惟盡母道而兼盡父道矣岳母之躬備令德如是固  
宜迓天休榮景福從茲而享期頤咏岡陵者正未有艾也 至也謹  
展軸洒墨揮毫更集文人頌禱以奉觴上壽焉是爲序

嚴母劉孺人七旬壽序


郡庠方至

聞之婦德以貞靜爲貴靜則精神純固自有必得其壽之理宣聖所言仁者靜而仁者壽也茲夏六月四日爲嚴母劉孺人古稀設悅親戚暨族中與哲嗣喬遷往來者皆謀製錦以祝僉以余忝戚末素悉孺人生平丐余言以弁其首余謂文者道事實而已其意可述而言足以爲教是以君子志之若徒頌禱浮辭識者弗貴焉孺人系出望族七業俱成聞之熟矣故言笑勿苟有古名媛風迨歸齊臣叔翁與錢孺人閨門靜好無詬誶聲佐理家政克勤克儉人咸羨齊臣翁又獲一賢內助矣迨孺人育哲嗣喬遷錢孺人撫



如已子及長見其聰明伶俐竊幸繼志有人而與齊臣翁雖粗衣  
糲食可以偕老而無慮已不意錢孺人庚辰謝世而齊臣翁辛巳  
冬亦仙遊形單影隻家事實難綜理孺人力爲拼擋且懷晝荻之  
心以母道而兼父道脩嘗辛苦凡事以貞靜處之屆今家產日增  
恢宏先業將來蘭芽疊發人文鵲起人咸謂孺人之福實孺人有  
其壽以享之者也然余觀西山之栢南山之松胥以風雨不能搖  
其節霜雪不能易其柯靜守乎時而不與弱卉爭榮故得永其修  
齡茂其枝葉則孺人之福壽綿亶何莫非孺人於荼苦中得其貞  
靜之守有以致之哉孺人由古稀而耄耋而期願余以宣聖之言

決之惟仁故靜惟靜故壽亶其然乎余不文惟述夫孺人貞靜之  
德以爲世之壺範諒亦孺人所樂聞而笑引一觴也諸君子聞余  
言而稱曰善無失實無諛辭請書以爲序





賦枕漱娛晚贈 中寰公

毛一瓊

嚴陵有竒窟富春多僊家  
石髓漱珠液玉虹枕丹葩  
常希祛塵網耿然登雲車  
鸞情極霄漢鶴態恣烟霞  
道存蓬萊近意愜朝市賒  
優游樂歲晚咲彼江上花

贈嚴母鄭夫人

余金垣

金翹天姥似瞿曇冰雪心  
肝泣故簪掩映并珈殊錚  
匕撐持宇宙大擔匕和熊  
存趙經窮六歌鷓凌姜節  
樹三巾幘年來彌里巷鬚  
眉柯必是兒男

贈嚴母季夫人

余金垣

吁嗟兮龍水湜且遠  
葵山崔而鬼吾遂  
沉澹磊落之氣安萃哉  
此氣不鍾丈夫鍾女子  
鬚眉楚匕等塵灰  
季節清延水嚴風高  
釣臺二公寥七千載  
孰徘徊我欽嚴母季  
夫人燕樓節著熊膽  
澤開不愧嚴門季女  
迥異塵埃吁嗟兮吾  
儕讀書不會讀凡事  
安能全終始只爲生  
涯計較多視母能不動  
羞恥

贈嚴母鄭夫人

吳明臣

坤原秀色聯星綺  
鳳杳鸞淒雲影似  
高節霜凌迸竹烟  
碧玉霞張映桐水  
淇園鳧鳥飛不歸  
丹穴將雛羽戟肥  
顯揚自是他年事  
教訓憑看此日機  
荻無灰冷書曾學  
膽卽九消苦自依  
人生成立多

如此共有鬚眉當自矢佇看蘭桂舞春風長與萱花襯芳芷西山  
爽氣發令儀淑範重七祥未已

贈嚴母季夫人

吳明臣

鷄鳴績伴讀書功作賦人歸鵠淚紅晨露淒清悲遠鷓夜燈辛苦  
勉和熊狄書勤勵歐公學畝蔭胥傳范老風試取衿鞶昭壺則綱  
常啟佑簿帷中

贈嚴母季夫人

古杭周 毅

秀毓吳岑德白良於歸喆宰睦之鄉芳秉夙擬題扉采白髮人傳  
賦相姜騏驥幾回驚織斷機杼終夜坐清霜北堂無限斑斕喜莫

却庭萱介壽觴

讚姑母嚴夫人

鳳返丹山蚤鵲鳴血半襦職勒文伯母冰雪太康姿夜紡勞霜月  
孤身創畝基史當傳壺範留與後人師

藐爾遺孤幼森匕誨義方督書憐是荻訓史願爲滂寶琢璵璠就  
材馴驥駮良何人堪並傳當與孟同揚


壽嚴母鄭夫人

毛國調

鏡影青熒照翟褕裁花譜出錦機無淇濱棗竹猶歌美富渚寒絲  
獨耐劬靜日簾垂銀蒜永閒宵荻畫采椽逾撫孤今已蜚鴻藻添

任

季蘭



與中壘著壺模

壽嚴母季夫人

毛國調

筠松磊砢未爲豪一段冰心賦采芼戒且幾同蠱問夜課昆還與  
膽俱勞千秋彤管豈云異七誠徽音已脩操展是思齋傳壽母欣  
來蔗境柳生袍





壽嚴母季孺人五旬華誕歌

序不載

姜習孔

望吳峰兮瑞雲侵瞻方山兮玉女臨叶坤鍾兮凝大陰盛淑則兮  
流徽音玄靈節啟小陽踰東籬霜菊花猶新昌期降毓松筠身蟠  
桃猷實值芳辰憶昔朝歌素琴張治行虞崔相頡頏秀發奇男特  
傑良快看聯翩鳳池翔漪歟竹里稱樂都崑崙閩風無以逾燕溪  
之臯零露濡金峰芍藥麗和俱稱觴酒清如碧波蘭臺載咲慈顏  
和拂箋爲寫南山歌瑤池千秋容詎多



古風一律懷贈會所翁

方聞讚

金峯山上肥春蕨金峯山下暉秋月采蕨人歸月正明  
桐江又見清風發會聞大澤隱羊裘復覩朱門盈  
象笏象笏羊裘事若何賢褒不朽書芳碣青絲綠竹啟家猷  
蝸角蠅頭未足謀傑哉嚴子追先業獨掩荆扉效古脩  
少年有志同負笈藻思繡字驚朋儕風綠盟契非偶爾  
妹氏于歸重好述他人學書不學劍此君學術儼兼擅  
康莊走馬足搏風青萍出匣光飛爛俠士筵前遜步趨  
詞人席上推天揆吁嗟世路多嶮巇璠璣不受青蠅玷  
鵠面流民鄭俠圖羨君先輩粥孤痛種德庭前蘭桂茂  
慶綠堂內口碑呼登賢猶于

親承誨入泮麟兒自讀觚雅搯不因榮貴改箬溪灣畔狎鷗鳧斗  
粟慚予屢事人可憐行役倦關津王陽道上山路迴翟尉門前鳥  
雀新懷人致惜乾文柳羈旅頻憐太乙春何日林中敦舊好竹烟  
重訪古先民

奉賀月翁老年臺榮任

工科給事中詹嗣祿人德

如君才望豈監州尺五天南暫借籌日近好瞻雙鳳闕春回  
應上百花樓王祥別駕知重見召伯甘棠尚自留漫道顯與  
傳姓氏石渠家世本風流

賦贈月翁年先生榮任

汪芳藻新安人

少日獅城說項斯翻從上國接光儀文思敏練工黃絹經術  
通明凜素絲要地需才勞贊畫繁州佐治仗綱維佇知報最  
膺殊擢姓字高題上玉墀

別駕公署中賦奉一律

進士方景隆冀州人

桑梓瞻儀久于茲覩治功運輸心愛國浚築計勞躬齋馬風  
誰似懸魚事盡同京華相隔近遷擢在

宸衷

郎事

前人


城堞荒新舊河防密邇遐同心閒散步異地酷思家雨後槐  
添綠風餘燕尚斜興闌詩欲就遙天綴晚霞

留別

月翁先生與 令宜兄昆玉

前人

陳榻爲誰設郇厨出自充殊方聯梓誼永夕聚葵衷孟浪慚



遊子盤桓對朔風明朝欣就道離緒付歸鴻

賀表兄令宜入泮詩

廩生

王起東

我在君家慚宅相諸弟才名稱難量  
締武經文世所稀指顧  
致身隨天仗家傳洪水舊清名  
冀繩祖武振賢聲若承景運  
露文彩鸞翔鳳翥看飛鳴  
况君更有無雙目寧獨  
毛錐交獲  
郁叔子投壺擅風流終軍請纓亦名宿  
新渙給音武與文一  
體入廟親聖人詩書終有籌時策  
功高冠賈上麒麟



嵐

五



